

մի ոսկեղօծ թուր, յուսալով որ նրա փայլի վրայ կը դան թշնամիները եւ կը սպանեն իրեն: Փորձանքն անցաւ: Ամբոխը՝ անուշադէր տիկնոջ, սկսեց կողոպուտի ետեւէ լինել եւ հետապնդել փախչողներին: Մինչ այս մինչ այն, վրայ հասան Սահակի մարդիկ, սպա ինքն իր բանակով, եւ հալածեցին թշնամիներին:

Նոյն պատմագիրը հաւատացնում է, որ Մահդիից յետոյ Խուռամեան աղանդաւորների պետը եղաւ մի ոմն Հարուն եւ նրա սպանութիւնից յետոյ Բաբել (Chabot, Michel le Sprien, III, P. 50):

Վերեւ տեսանք, որ Բաբակի մասին առաջին անգամ լսում է Հատիմ Իրն Հարթումի ազատամբուլթեան ժամանակ 816-817 թուին:

Մովսէս Կաղանկատուացու վկայութեամբ Հայաստանի բաժանման ետեւ, Սիւնիքում, երեւում է Բաբան (այսինքն՝ Բաբակ) 270 հ. = 821 թուի: Եթէ արդարեւ այն անձը, որ սպանուեց Սահակի ձեռքով, Բաբակի նախորդներին է, ապա սպանութիւնը տեղի է ունեցել 821, գուցէ եւ 817 թուից յառաջ:

Ո՞ր է Մահդին եւ իրօք նրա բնակավայրը Կորդուաց լեռներումն է՞ր թէ Ատրպատական, ինչպէս հաւատացնում են արաբ մատենագիրները, ղԺուար է ասել:

Մեր նպատակի համար բաւ է այսքանը, որ Սահակի միջնադէպը դասելու է հաւանօրէն 820 թ. ոչ ուշ: Կորդուաց աշխարհի մօտերքը իշխում էր այդ ժամանակ Սահակը, Աշոտ Մըսակերի որդիներից մէկը: Մարկուարդ կանգ է առնում Տարօնի վրայ, իսկ ինձ աւելի ընդունելի է թւում Մոկաց դաւառը, որ իրապէս սահմանակից է Կորդուքին եւ Բաղրատունեաց ձեռքին էր:

Այս Սահակի որդին պէտք է լինի Սմբատ Մոկաց իշխեցողը, որ Բուղայի ձեռքից ազատեց Վասպուրականի գերիներին (Թովմ. Արծր. III 2): Սա Բուղայի բարեկամն էր. «Յոյժ սիրեցեալ եղեւ ի զօրավարէն», ուստի եւ շատերը չփոթում են Մսակերի որդու եւ յաջորդի Սմբատ-Արլարատի հետ, մինչդեռ սրա մասին առաջին անգամ խօսում է պատմագիրը, երբ սկսում է պատմել Բուղայի գալստեան երկրորդ տարուան անցքերը (Թովմ. Արծր. III 9):

Սմբատ Մոկաց իշխեցողի որդին է Թեբեւ Մուշեղ Մոկաց իշխեցողը («Աշոտ Կորդուպաղատ հայոց իշխան, Մուշեղ իշխան Մոկաց, Շապուհ եղբայր իշխանաց իշխանի», Թովմ. III 19, «Սմբատ եւ զՇապուհ եւ զՄուշեղ Մոկաց իշխեցող», իշխեցող եւ ոչ իշխեցողը, որպէս տպուած է), Թովմ. III 17): Մուշեղն սպանուեց ծեր հատակում Անձեւացեաց Գուրգէն իշխանի ձեռքից (Յովհ. Կթ. 52 98, «Ալեւոր հերօք»):

Մսակերի ժամանակ երեւան են գալիս Սիւնեաց եւ Աղուանից իշխանական տները: Առաջին հիմնադիրն է Վասակ: Սա կուրի է բռնում Սեւադայ Ջահապի արաբ իշխանի հետ եւ նրան քշում է Բաբակի օգնութեամբ, բայց ինքը մահանում է նոյն 821 թուին:

Ճիշդ նոյն 821 տարին յիշում է առաջին անգամ Սահլ Սմբատեան իշխանը: Պարտաւից արաբական մի զինուած զուգը ասպատակում է Ամարասը եւ ղերիներ առնելով ամբանում Միծերանց դաւառում: Սահլ յարձակում է յափշտակիչներին վրայ եւ ազատում ղերեալներին: Սահլ էր այն անձը, որ հայոց 286 = 837 թ. մատնեց հուշակաւոր Բաբակ ազատամբին: Բուղայի արշաւի ժամանակ 852 թ. նա ղեկ կենդանի էր եւ ղերուած իշխանների թրւում: Արաբական Սահլ կշռում է հայ Սահակը: Սահլ-Սահակ եւ Սմբատ երկուսն էլ առաւելապէս Բաղրատունի անուններ են, եւ հաւանական է, որ Սահլ Սմբատեանը Բաղրատունի ծագում ունի:

Սակայն, Սմբատը չի կարող ոչ Մսակերի որդին՝ Սմբատ Արլ-Արասը եւ ոչ նրա հայր՝ Սմբատ Սպարապետը լինել, այսինքն՝ Սահլ ոչ Մսակերի եղբայրն է եւ ոչ թոռը: Սմբատ խոստովանողը «ի մանկութեան պատանդ էր» Սամարա խալիֆի դրան եւ ազատ արձակուեց միայն 275 հ. = 826 թուին: Սրանից յետոյ է որ նա ամուսնացաւ Դաւիթի քրոջ հետ: Եթէ անգամ այս երկրորդ ամուսնութիւնն լինէր, ամէն զէպքում 821 թուին նա չէր կարող հասուն որդի ունենալ, երբ նրա աւագ եղբայր Սահակ Մոկաց իշխանը հազիւ ղիկեցիկ դաւակ ունէր Մահդիի սպանութեան ատեն մերձ 820 թ.:

Սահլ որդի չէ եւ Սմբատ Սպարապետի,